

疆
屯
遺
書

疆屯遺書

癸酉元旦

凌波詞

霜厓吳梅



新
收
詞

張
氏
行
書

東
江
書
院

凌波詞

吳曹元忠君直

菩薩蠻

小名錄就銀光紙青蟲暗蝕相思字覺道瘦
腰身病容添一分畫羅裙葉葉摺損泥金
蝶黃竹嫁時箱十年春恨長
銀綃一尺裁冰雪秋風吹作桃花色彈淚寄
青棠玉階天雨霜侍兒挑畫燭影鞦雙煙
綠昨夜錦屏低秦王來卷衣

眼兒媚

燈暗長門雁聲沈月色玉階陰舊時輦路綠
蕪埋沒比似恩深淚波紅釀桃花醋點滴
是酸心淒涼滋味怕提買賦何況黃金

海棠春

而今怕聽紅鵲語總說道不如歸去去後倘
思量且伴珍叢住紅芳休恃東君護汝知
否飄零無數日晚碧雲陰春在流鶯路
夕陽一角紅樓靚又別院笙歌弄暝起舞綠
羅裙忘是年時病水精眠夢珠簾冷怕飛
入楊花無影鸚鵡自驚寒怎喚東風醒

洞仙歌題王虞笙長拋玉軫圖

一條寒玉有斷紋如斂待續鸞膠會相見奈
空牀蘚蝕小豕花埋何處叩指底落紅風片
情天誰與補碧海盟深不似盈盈絳河淺
忍再譜新聲鏞鋳冰絲穿不起淚珠一串更
數徧湘絃怎生雙怕廿五離騷縑成獨繭

前調又題虞笙重拋玉軫圖

香熏羅薦尙暗塵棲綠按到雙聲總棖觸儘
奉君璫珥贈我琅玕端可惜依舊玫瑰柱促
罡風吹又緊彈折么絃電碎春紅萬花哭

自製瘞琴銘欲仿唐碑忍淚寫泥金殘幅早
知道枯桐是孤生悔重譜朱絲白頭吟曲

念奴嬌周季貺先生藏新莽宜子孫鏡

徑莽尺七寸二分強銘文五十

一字先生子雲將釋文云惟始

建國二年新家尊韻詔書敝下

大多恩叶價事和樂躬畱田叶

更作辟雍治校官叶五穀成熟

天下安叶有知之士得蒙恩複叶

宜官秩葆子子孫叶中央七乳

閒以宜子孫三字今歸先生外

孫冒鶴亭同年以拓本索題爲

譜是解

冰圓出匣是亡新建國二年工作莽大夫流
才調好銘向中央四角官秩長宜子孫永保
吉語蟬嫣託而今古矣土花濃繡斑駁空
弔原碧新妝黃皇悽淚已相看非昨天與千
秋懸鑑戒留此銅規一握武庫頭灰漸臺舌
盡不許菱花落漢時明月爲君長照羅幕

翠樓吟鶴亭索題雲將大令舊藏任渭

長畫桃花扇記雲將姬人守節

事

喚醒東風研羅扇上桃花又拚紅死情根能
幾許總鍾與商些公子春光容易更吹皺青
溪舊時流水分明是替儂寫照比伊丰致
彈指三百年來也袖邊懷底飄零香墜白楊
堪作柱還厮守素縑盟誓么孃如此便我作
迦陵篋中應記芳名字待君箋入婦人集裏
滿庭芳乙未暮春偕李韻梅客京師假

館亦園韻梅掃花片作落紅天

三字屬予與姚古鳳賦之會將
南旋未之應也韻梅旋下世子
與古鳳亦奔走天涯勿勿三年
負斯諾責寒夜無寐呼燈成調
將約古鳳同作焚寄韻梅地下

紫陌催歸綠章罷奏恩恩春去人間東風影
裏吹損小華年絕豔終歸抔土者殘紅還有
何言拚忍與情天終古到死是朱顏堪憐
誰替汝上排碧落下訴黃泉料香魂十萬難
度神仙偏要爲花請命恐東皇無力周旋空

留得眉尖心上三字落花天

偷聲木蘭花

碧煙院宇澄秋影白石朱闌蒼蘚徑雙髻吹
笙涼夜桐階坐月明如今轉徙關河遠孤
枕黃昏鄉夢斷悄擁鸞衾愁聽梅花塞管聲
洞仙歌題竹垞風懷詩手橐橐藏遼陽

楊又雲司馬家近歸沈子培比
部予因翁澤之得見是橐凡五
紙風懷二字係後定本其先題
爲靜志與集中洞仙歌詞題靜

志居琴趣並取洛神賦語意垓
翁兩同心詞云洛神賦小字中
央只有儂知殆其人乎

萬千劫換只情絲空裏墮落人間跼還起被
金風亭長句上吟牋親印著顛倒鴛鴦鈴記
墜歡重拾取便說當初已是相思鑄清淚
何況到而今二寸金簪怕蝕損蕭娘名字拚
買箇蜻蛉訪婁湄要替證釵盟仙緣鴛水懷
詩本事太倉楊叔溫有
鴛水仙緣彈詞紀之

清平樂

晚鴉催夕瞥見紗窗黑櫺鐸澹黃涼影射月
上畫簾金額開匳一搦冰姿依然三五年
時可惜圓虧不定憐他總是蛾眉

一
氏州第一自題淩波詞

一縷春愁搖漾似絮飛入笛孔銀字綠損華
年紅消英氣空把黃金鑄淚樂府功名還未
必大晟許爾寫出江南喁喁兒女爲誰如此
縱付幺孌檀口裏又彈向四條絃子天寶
宮人貞元朝士到底何身世暗西風吹鬢影
能消幾迴腸盪氣只有湘纍舊離騷可憐知

己

憶舊游將出都門爲翁澤之題路岸餞

秋圖留別曼仙義門瓊隱

記逢橋問渡按牘呼舟水驛程程去國心情
惡歎身如旅雁又向南征逝波怕照絲鬢減
了一分青只柳外斜陽看人來去紅上離亭
燕京舊吟侶料匹騎依然怊悵歸城更惜
流光駛禁官河蘭艇幾度催行似君慘綠年
少猶道客愁生況我逐西風荷衣吹裂無限

情

霓裳中序第一

戊戌初春予客浙中一日大雪買舟出湧金門相羊湖上嘗賦詩云自度新腔咽碧流石函橋下且停舟小紅去後春如夢閒殺方家水磨頭回首垂虹雪夜燒依稀風景似今宵飄零仙呂無人問誰把梅花謚洞簫是冬貽美載雪過吳

訪予眉研樓索長短句
翦燭補工尺使蘭君倚
笛度之音節諧婉如白
石暗香疏影故事貽美
謂予後七百年閨門西
畔安知無賦吾輩今夕
事者盍作詞紀之遂譜
是闋

長安正倦客又逐南鴻歸故國重向酒壚醉
覓只樂府新詞尊前攜得平康巷陌促冶鬢